

مکتبہ اسلامیہ

۱۹ نجی ست

جزو، عدد : ۹۰

سنہ ۱۳۱۷





گریدك احوال عمومیه و تاریخیه سی

[مابعد عن جزؤ : ۸۳]

ایکینجی باب

گریدك احوال تاریخیه سی

برنجی قسم

گریدك احوال ابتدائیه سیله روما استیلاسنه قدر اولان وقوعات

گرید جزیره سنك احوال ابتدائیه سی ایکی قسمه تقسیم اولنه بیلوب بریسی (مینوس) Minos نام حکمداردن اولکی زمانه و دیگرى آندن رومالیرك جزیره نی استیلا ایتدکلری تاریخه قدر گذران اولان مدتہ عائد احوالدر. مینوسدن اول اولان احوال خرافات ایله مالا مال اوله رق، حقیقت حالك آکلاشلیسی متعسّر در. برده اق زمانلرده جزیره ده مدینت منتشر اولیوب اھالیسی حال وحشتده ایدی. مثلاً روایت اولنوركه جزیره نك ایلک اھالیسی ایندی ذاقیلی 'Ιδαίοι Δάκτυλοι' نامیله مسمی اولان قبیله اوله رق، بوقبیله یه منسوب اولانلر اواباق صنعتی هنوز ییلدکلری جهتلہ آجیق برلرده ویا مغارلرده یشامقده بولغش اولدقلى کبی، البسه اعمال ایتك صنعتی دخی ییلدکلرندن اورمانلرده و اوتده بروده چیلای اوله رق کرمکده ایدیلى. مذکور قبیله دن قوریتس Kourites اسمنی آلمش اولان دیگر بوقبیله تشعب ایدرك اق ائسادہ ایبا طماعی جوارنده تولد ایتش اولان یوپیت Jupiter، (یعنی مشترى) مذکور قبیله نك ید محافظه سنه تودیع قلغش ایدی. قوریتس دخی آمالتیا 'Αμάλθεια

نامبله مشهور اولان برچینك سودیله یوپیتری بیوده رك نهایت کندوسنی حکمدار
طانیملردر .

یوپیتردن صکره قریس Κρής نامنده بر اوغلی موقع اقتداره گلوب کندی
اسمنه نسبتله جزیره قریطی Κρήτη اسمنی ویرمشددر .

مؤخرآ آمون Αμυν و ککرویس Κέκρωψ و کیدون Κίδων و آپتروس
Απτερος و لایس Λάις و تەفناموس Τεύταμος و آستریوس 'Αστέριος
موقع اقتداره کچمش و نهایت گریدك تاریخ قدیمده يك ممتاز بر موقع احراز ایش
اولان سالف الذکر مینوس گمشدر .

الك اساسلی تخمیناته کوره مینوس میلاد عیسان ۱۴۷۰ یعنی بوندن ۳۳۷۰ سنه
اول موقع اقتداره گلش اولوب آنك زمانه قدر کچن مدت ظرفنده جزیره
بر حال وحشت ایچنده بولمسیله احوال محلیه يك قاریشق ایدی. هر نه قدر او زمان
دخی گریده بر نوع مدینت موجود بولمش اولدینی بعض مدققین متأخرین
طرفندن ادعا اولمقده ایسه ده او کبی بر مدینتک موجودیتی اتباته مدار
اوله بیله جك آثار صحیحه هنوز کشف اولنمادیغندن او باده در میان اولنان افکار
هپ تخمینات اوزرینه مبنی بولمشددر . یالکیز شوراسی مرویدر که اهالی محلیه نك
هجرته قیام ایتمی اوزرینه بر مدت جزیره هان بوش قالمشددر . اوانساده دیار
آخردن مختلف الجنس بر چوق اقوام گلوب اورداده توطن ایدرک مرور زمان
ایله بر طاقم بلده لر دخی بنسا و تأسیس قلنش و احوال محلیه نك مضبوطیتنه غیرت
ایدلمش ایسه ده هیچ بر قانون و نظام موجود بولنماسیله اداره محلیه تشتندن غیر خالی
بولنش ایدی .

ایشته مینوسك زمانه قدر مرور ایدن مدته عائد احوال هان بویله قاریشق
و خرافات ایله مخلوط اوله رق اووقتنه متعلق اولاق اوزره تاریخه پکده یرایه جق
وقوعات مهمه هان مفقود اولدیغندن، بوباده تطویل مقالدن صرف نظر اولنمی
مناسب کورلمشددر .

زمان مذکور دن صکره ساحه ظهوره گلان وقوعات، گريدك احوال ابتدائيه.
سنگ ايکنجي قسمتي تشکيل ايتمگده درکه، جزيره نك اصل تاريخي اشبومدتدن بدأ
ايتمشدر؛ ديتله بيلور .

شاعر شهر اوميروسنگ Oμηρος روايتنه گوره اق زمانه طوغري گريد
جزيره سنگ اهالي سي جنسلري مختلف بش قومدن عبارت ایدی که اسملري
آتو قريتهس Eteoókρητες کيدونهس Kúdaνες و آشهني Achaeoi 'دوري يس Δωριεῖς
و به لازمي Πελασγοί ایدی . اقوام مذکور نك برنجیسی ايله ايکنجیسی يرلي اولوب
قصوري ايسه آخر ديار لردن گلرک جزيره ده توطن ايتمش ایدی . جنسلرينك اختلافي
حسبيله ذکر اولسان اقوامك هر بيریسی جزيره نك برر طرفي ضبط ايله اقراده
ساکن اولمش و اقوام سارو ايله هر درلو اختلاطدن مجانبت ايتمگده بولنمش ایدی .

مينوس ايسه مؤلفين متقدمينك بالاتفاق بيان و حکايه ايتدکلري وجهله ذکاوت
فوق العاده صاحبي اوله رق امور اداره يه دخي تماميله واقف بولنمش اولمسيه يکديگر .
لرينه قارشو بؤيله عداوتله حرکتمده بولنمش اولان اقوامك حسن اداره ايله ممکن
اولديني درجه ده اتحاد و اتفاق اوزره يشاملرينه مدار اوله جق تدابيرك اخذينه
موفق اولمش اولديني گبي، جزيره ده بر خيلي قوانين و نظامات دخي وضع و تأسيس
ايتمشدر . بؤ قوانين و نظامات الحآت زمانه اول قدر موافق بولنمش و اهالي
محلينك تهذيب اخلاقيه اداره محلينك حسن جريانه اودرجه مدار اولمشدر که
اوزمانه گوره شهرت عظيمه کسب ايدرک مملک ساروده دخي نمونه امتثال اتخاذ
قلنمشدر .

پيدربي وضع ايتمش اولديني قوانين و نظامات احکامنه رعايت ايتمگه صنوف
اهالي يي مجبور قيلق مقصديه مينوس بهر طقوز سنه ده بر دفعه ايدا طاغنه عزيمتله
اوراده يوپيتر ايله بعد المشاوره قوانين و نظامات مذکور يي ترتيب و وضع و تأسيس
ايتمش اولديني اعلان ايتمگده ایدی .

قوانين و نظامات مذكوره حقه كرك افلاطون و ارستطليس و پلوتارق كې مؤلفين متقدمين و كرك مؤلفين متأخرين طرفسندن يك چوق مقالهلر يازلمش اولوب ، از جمله متأخريندن سنت قروا Sainte-Croix طرفسندن بر جلد اوزره De la légation de Crète يعني اقوانين و نظامات كريدك عنوانيله تأليف ونشر اولان كتابده مندرج معلومات و مطالعات هر جهته شايدن دقت مخصوصه بولمشد .

قوانين و نظامات مذكوره احكامي اقتضاسنجيه اهالي جزيره اوچ قسمه تقسيم اوله رق برنجيسي $\alpha\rho\iota\sigma\tau\omicron\iota$ يعني اعيان ايكنجيسي $\iota\pi\pi\epsilon\iota\varsigma$ يعني سوارى اوچنجيسى $\gamma\epsilon\omega\rho\omicron\iota$ يعني ذراع قسمي ايدى . اعيان قسمنده متفندان و معتبران اهالي داخل اوله رق ، آت يتشديرمگه و آتلى اوله رق محاربه به گيتمگه مقتدر اولانلر ايكنجى قسمه و اراضى بي ذرع و اعمار ايله برابر محاربه به دخى اشتراك ايتمك مجبوريتنده بولسانلر اوچنجى قسمه ادخال ايدلمشدر .

هيئت اداره دخى ايكي اولوب برنجيسي $\kappa\omicron\sigma\mu\omicron\iota$ يعني اعيان هيئتي ايكنجيسي $\gamma\epsilon\rho\omicron\nu\tau\epsilon\varsigma$ يعني اختيار هيئتي ايدى . اعيان هيئتي اون نفر دن عبارت اوله رق اهالي طرفسندن برر سنه مدتله انتخاب اولمقده ايدى .

اعيان هيئتي اعضاسندن بريسى هيئتك رياستنى احراز ايله $\pi\rho\omega\tau\omicron\kappa\omicron\sigma\mu\omicron\varsigma$ يعني (ريسى اعيان) عنواننى آلور ايدى .

بالجمله مامورلرى عزل و نصب ايتمك و اثنائى محاربه ده امور حربه يني اداره ايتك و امور مملكتيتك قوانين موجوده به توفيقاً اداره سنه نظارت ايتمك وظيفه لرى هيئت اعيانه مفوض ايدى . .

اختيار هيئتي اعضاسى ايسه يگر مى سكر نفر دن عبارت اوله رق اعيان هيئتنده خدمتلىرى سبقت ايدنلر و اك مسن بولانلر ايچندن انتخاب اولمقده ايدى . اختيار هيئتي اعضاسى اداره مملكتيه عائد موادى هيئت اعيان ايله برابر بلذاكره تسويه و بين الاهالى تكون ايدن منازعاتى دخى على الاكثر اعتقادات وجدانيه لرى اوزره حل و فصل ايتكمده ايدى .

قوانين و نظامات موضوعه نك تربيه اطفال حقه كرك احكامي دخى نظر دقت

مخصوصه‌ی جالدر . احکام مذکوره اقتضاسنجہ اطفال حال طفولیتدن چیدقلمری زماندن اون آتی یاشلرینه قدر علوم ایله بالاشتغال فن موسیقی تحصیلنه دخی چالشمقلمه مکلف ایدی .

اون آتی یاشنی تجاوزله سنّ مرآقه‌به وصوللرنده جناستیق مکتبلرینه معادل و آیله 'Aγέλῃ اسمیله معروف اولان دوار مخصوصیه قید و قبول اولورلرایدی . دوار مذکوره‌نک هر بریسنده اصحاب ناموس و عفتدن و مسن طاقندن برمدیر بولندیریلوب بوگا 'Aγελάτης' عنوانی ویریلورایدی . دوار مذکوره مدیرلی پدرک حاز اولدینی باجللمه حقوقی تمامیله حاز اوله‌زق حسن حالده بولسان چوجقلمری مظهر مکافات و سوء حال وحرکتده بولنانلری دخی مظهر مجازات قیلقدده ایدی . بونکله برابر چوجقلمری یالین آفاق طاغلمده قوشمق آوه گتمک ، آته یلنک ویره یاتمق و اوق آتمق کبی وجوده قوت ویرن و خاطره تهلمکه کتوران خلصوصلرمده آلیشدیرلمقدده ایدی .

دوار مذکوره‌ده اوج سنه مدّته اقامت ایتمک شرط ایدی . مدّت مذکوره مرورنده چوجقلمری اورادن خروج ایله تاهل ایتمک صلاحیتنی احراز ایدرلرایدی . مینوسک وضع ایستدیگی دیگر برتدیر واردرکه ، اودخی شایان دقت مخصوصه‌در . تدیر مذکور اقتضاسنجہ گرک اغنیادن و گرک فقرادن اولان صنوف اهالی برلکده مجتمعاً یلمک یلمکه ایدی . اشبو یلمک جمعیتلرینه یالکز ذکور داخل اولدینی جهتمله بونلره 'Andρεία' (ذکور جمعیتی) اسمی ویرلمکده ایدی .

مذکور جمعیتلرک مصارفنه آئیده بیان اولنه‌جفی وجهله هر درلو محصولاتدن آلنان عشرک برمقداری قارشولاق اتخاذا اولنمقدده ایدی . یلمک جمعیتلرینه عائد معاملاتک ترتیب وادارمسی بر نفر قادینسه تفویض اولنمق و بو قادینک یاننده اهالیدن اوج ویا درت نفر معاون بولندیرمق و بهر معاونک معیتنده دخی اوطون نقل ایتمک مجبوریتله مکلف ایکیشراوشاق مستخدم بولنمق اصول مرعیه‌دن ایدی . جمعیات مذکوره‌ده یلمک سفرملرینه اوتوریله‌جفی انشاده برطاقم دعالر قرائت اولنمقدده ایدی . جمعیه ریاست ایدن قادینلرک نفیس یکلردن ایستدکلرینی انتخاب

ایله ذکاوت و یا شجاعتله کسب تمیز ایتمش اولانلره ویرمک صلاحیتی حائزه ایدیلر .
اطفال یتیمیه ایکنجی درجهده یمکدر ویرلمکده ایدی . قوللانیلان مشروباته گلنجه
جمعیتده حاضر بولسانلردن هربری بر نوع شربتله مخلوط بر قدح شراب ویمک
سفره سنده دخی بر قدح صافی شراب ایچر ایدی . یالکڑ اختیار اولانلر استدکاری
قدر ایچمک صلاحیتی حائز ایدیلر . شو قدرکه سکر حاله گلری نظاماً ممنوع
ایدی . چونکه یمکدن صگره مهمام امور ایله اشتغال ایتمگه برابر ، گنجلری ده
ابو بوله سوق ایتمگه چایشور ایدیلر .

مینوسک بۇ جمعیتی ترتیدن مقصدی افراد اهلایی نسبة باقلقسزین یکدیگر .
لرینه قرنداش کبی باقق وبری برلری علیهنده ضدیتلری اولماق وینلرنده اتحاد
و اتفاق برقرار اولق حصوصلرینه آلیشدرمق ایدی .

مینوس ، قوانینجه اسیرلر دخی بش قسمة تقسیم قلمشدر . برنجی قسمة منسوب
اولانلر *Περίοικοι* (بری یکی) اسمنی حائز اوله رق ، بولردائی صورتله امور زراعیهده
مستخدم بولنور و محصولاندن بر مقدار معینی شهرلره اعطا ایله مکلف طوتیلور
ایدیلر . ایکنجی قسمة داخل اولانلر *Ἀραμῶνται* آقامیونه صفتی حائز و کویلو
طاقندن اوله رق انشای محاربده اسیر طوتلش و کذلک اراضی زرع و اعمارینه محکوم
اولمش بولانلردر . اوچنجی قسمة داخل اولانلر منوی ته *Μνωῖται* اسمیله معروف
ایسه لرده نه کبی خدمتله ایفاسیله مکلف اولدقلری یکده معلوم دگلدر . درنجی
قسمة داخل اولانلر قلا روته *Κλαρῶται* اسمیله معروف اولوب ، بولر قرعه کشیده
سیله شۇنک بۇنک خدمته آلنور ایدی . بشجی قسمة داخل اولانلر ایسه حائز
اولدقلری اوصافه گوره شهر و قصبه لرده پاره ایله صلتون آلتانلر ایدی که ، بولره
Χρυσωνῆται خریسونیته نامی ویرلمکده ایدی .

بونکله برابر مینوس افراد اهلایی الهلره رعایته مجبور طوتمقله برابر ، اهمیتسز
مواددن طولایی یمین ایتمکدن اجتنابه آلیشدرمق مقصدیله یمین منع ایله یالکڑ
قیون و یا کویک کبی حیوانات اسمی اوزرینه یمین ایتمگه جواز ویرمشدر .

شوقدر که معاهدات عقدندہ طرفین عاقدینک آئینا 'Aqina و یوپیتز نامہ و سائر بؤکیبلرک اسملرینہ یمین ایتملری جائز ایدی .

برده ازدواجہ، طلاقہ، جہازہ و املاک و عقار مادہ لرینہ و دیگر برچوق خصوصانہ دائر کذلک مینوس طرفدن برچوق احکام نظامیہ وضع و تاسیس اولمشدر .

مینوسک وضع و تاسیس ایتمش اولدیغی بالجلہ قوانین و نظامتدن ایکسی افلاطون طرفدن بالحاصہ مدح و ستایش ایدلمکدهدر . بونلردن بریسی ہر فرد اہالینک سکر حالنہ گنجہ قدر مسکرات ایچمسی ممنوع اولدیغہ و دیگر قوانین و نظامات موضوعہنک محق اولوب اولدیغی تدقیقندن اہالینک ممنوع و فقط بالجلہ احکامنہ تمامیلہ تابع اولدیغہ و عکسی حالندہ مظهر مجازات اولہ جغہ دار اولانلردر . قوانین موضوعہ حکمجنہ اجنبیلرک اقامتہ مخصوص اولمق اوزرہ بہر بلدہدر بر مسافر خانہ دخی وار ایدی کہ اسمی Κομητήριον اولوب مصارف ادارہ سی میری جانبندن تسویہ اولنور ایدی . یمک جمعیاتندہ دخی اجنبیلرہ مخصوص اولمق اوزرہ ایکیشر سفرہ وضع اولنور ایدی .

معاهدانک عقدی حقندہ جاری اولمق اوزرہ مینوس طرفدن بر طاقم قواعد وضع ایدلمشدر . مثلاً صلح زمانندہ طرفین عاقدین بینندہ اتحاد و اتفاق باقی قالمق و حرب اتاسسندہ طرفین عاقدین تدافعی و تجاوزی اتفاقدہ بولمق و طرفین عاقدیندن ہر برینک ممالکی اہالیسی دیگرینک ممالککندہ املاک و اراضی بہ مالک اولمقلہ برابر، یگدیگر لرندن دخی ازدواج طریقہ قاری آلق و اسیرلر و فراریلر طرفینک تخصیص استدیگی معاہدہ التجایستدکری تقدیردہ ہر درلو تعقیباتدن وارستہ اولمق و ادخالات و اخراجات سربست اولمقلہ برابر، رسوم و تکالیفک و استقرضات فاضلری متقابلاً مساوی بولمق و بالکز غنائم حربیہدن میری بہ عائد عشر مقداری تفریق اولندقدن صکرہ قصوری طرفین عاقدینک مقدار نفوسی نسبتندہ بینلرندہ تقسیم ایدلمک خصوصلری ہر معاہدہنک عقدندہ اول باؤل نظر مطالعہ بہ آئنہ جق برنجی اساسلردن ایدی . ویرگویہ گنجہ ہرکس نظامات مذکورہ

احکامی اقتضاسنجہ محصولاتك عشرینی حکومتہ تسلیم ایتنگلہ مكلف بولنش اولدینی گبی. اغنام لوزرینه دخی عائدات اوله زق عیناً اغنام آلفقده ایدی. ارستطلیس طرفندن حکایه اولدینی وجهله محصولات و عائدات مذکوردهن و امور زراعیه ده مستخدم بولنش اولان صنف اهلانك تأدیبه ایده گلدیگی عوایدن و سائر صورتله مأخوذ رسوم و تکالیفدن عبارت اولان وارداتك بر قسمی معايد مصارفه و دیگر بر قسمی دخی آنفاً بیان اولان یمك جمعیاتك مصارف مختلفه سنه قارشولقی اتخاذ قلنش اولوب، واردات مذکوردهنك مقدار متباقیسی ایسه دیگر بعض مؤلفین متقدمینك روایتی وجهله مأمورین معاشرینه و اعیان هیأتی معرفتیه بیکس و بیوایه عائله لرك امر تعیش و اداره سنه صرف اولنده بولنش ایدی.

ایشته مینوس طرفندن وضع و تاسیس اولوب اول زمان ممالك سائرده دخی نمونه امثال اتخاذ قلنش اولان قوانین و نظاماتك احکام اساسیه سی منوال مشروح اوزره اوله زق، قوانین و نظامات مذکور حقنده بالاده بیان اولدینی وجهله گرك فلاطون و ارستطلیس و بلوتارق گبی مؤلفین مذکورده متقدمین و گرك مؤلفین متأخرین طرفندن بر جوق مقاله لر یازلمشدر.

مینوس، قوانین و نظامات مذکورده ابله مدت مدیده حسن اداره محلیه موفیق اوله زق جزیریة اوج دأریه تقسیم ایتش و بؤ اوج دائره نك برنده قوسوس Κνωσός و دیگرنده فستوس Φαιστός و اوچنجیسیده دخی کیندونیا Κυνδονία نام جسیم بلده لری بنا و تاسیس ابله بلاد مذکوردهن برنجیسی یعنی قوسوس بلده سی مقرر حکومت اتخاذ ایلش ایدی.

(مابعدی نسخه تالیه ده)

شورای دولت ملکیه دژمسی اعضاسندن

آندریا قوپاسی

